

延安金氏家乘

序

人生世間莫不有始生之祖始祖以降世代千百皆祖也人而不知其祖豈不誠人道之大憾然而自古帝王獨周有生民之詩外此則無聞焉蓋萬變之勢有所不能不然也雖然世之尊周公曷嘗以世德而不以聖德耶又如孔門之顏曾有誰知其先之所出而尊之亞於孔子乎故人貴於立德其先系之不明無損其爲聖賢也顧昧者厥或不幸而先系有失焉則須至假冒榮顯苟充其代而不知爲大罪哀哉我

同門友金鎮基延安氏其六世祖耒隱公諱炳自延安府南遷于結城在英祖之世避麟佐希良之亂轉而之扶安海上而歿焉子孫荐喪促世孤貧遂至於失其譜牒矣金友常痛恨而無可如何遂以六世祖冠家乘而以上則闕焉先師艮翁先生嘗題跋而勉其德今金友欲印其家乘分之諸房子孫使余相其役先師之言徵百世而有餘余奚足爲有無嗚乎金友賢者也嘗率其二子鍾熙鍾玄入先師之門學爲聖人之道今皆卓然自立於亂世其爲德也不亦貴重矣乎其後承又皆謹身守分非聖人之書不以

教之子弟誠能長此而不已則將德配古昔而垂光
百世明明左契執矣吾願金友之後萬子孫皆念厥
祖而無忝曷不萬世其永賴是爲序首陽吳震泳書
于瑞雲山之望華遯室時黑虎陽復節也

二

家卽我一家乘卽記其事記其家事而上述祖先下
繼子孫以示親親之道也嘗聞諸先君曰吾先系出
延安世居延安先墓盡在白川八世祖七世祖皆納
穀堂上以不貧誣蒙禍亂六世祖以童年淪落結城
又轉徙扶安贅于朴門以海阜用貫此止嗚呼悲夫自

後五世併以早卒以幼子傳家至于先君子孫曾玄三十餘人也欲修家乘六世以上諱啣不可考故問於艮齋先生則曰以六世祖爲始祖自成一家最爲得正繼以爲家傳跋其略曰不幸因禍變而失其世者非關義理之錯不足耻也昔桀紂幽厲皆聖賢帝王之裔也人莫之貴也顏曾冉閔之先其隆替今不可考後之人莫不尊仰而亟稱之者豈非賢德與金君于此可以知所勸戒也其爲教也深故今以父師之言以詔後孫後孫篤實學業敬修天爵以仁義禮智養其心性以忠孝悌慈修其職分則顏曾冉閔爲

吾師傳嘉言善行爲吾繩墨上不忝父祖下垂佑子孫而人道極矣後孫勉之哉未隱公六世孫鎮基謹序

三

孟子曰仁義忠信樂善不倦此天爵也公卿大夫此人爵又繼之曰修天爵人爵從之夫所謂天爵者本得之於天地父母固有之善而我修之於己以爲德者也故謂之天爵人苟能善修天爵則雖不假人爵自能超凡入聖脫賤升貴是所謂良貴也若不修天爵僥倖得人爵究其實依舊是不免於凡賤之科耳

故昔顏曾身不爲公卿大夫而至今尊仰之桀紂身爲天子而至今賤侮之是不修天爵而徒得人爵故也然則人之貴賤只系於當人之修不修而不系於人爵之有無亦不系於先祖之顯微也審矣蓋後世人不修德故徒憑人爵或先祖之隆顯以爲藉口之實然自識者觀之不滿一笑也吾家不幸中失先系然凡爲吾耒隱公後孫者一以修天爵爲心內積忠信而外行仁義居家孝悌而出門謹恭其於外至之公卿大夫淡然毋求則其德與天地合而其身自然榮貴矣然而家不昌大者未之有也身榮家昌則先

祖之靈必歡喜於冥冥之中而子孫之心亦無愧怍
矣此非吾家之所當務者耶故余特揭鄒聖修天爵
一語以爲子孫勸著雍攝提格陽復之月未隱公七
世孫鍾熙謹序

始祖
遲漢
后

十八世

金炳

小名太山號耒
隱甲寅生九月
十八日卒其先
世居延安後居
結城在
英祖之世避李
麟佐鄭希良之
亂又移居扶安
既而娶密陽朴
氏之門因以贅
居以海阜入籍
海阜延安古號
故也
墓扶安保安面
虎岩里後麓路
下卯坐有短碣

十九世

子載弘

小名順石戊午
生往結城故土
回路乘船為風
波漂流至靈光
浮南島與子鎬
同日並命即三
月二十三日也
配慶州崔氏丙
寅生四月十九
日卒享年八十
三常抱幼孫遺
言曰吾先山皆
在白川吾家本
自延安移居結
城自結城又移
居扶安云云

二十世

子鎬

小名天興丙子
生三月二十三
日卒
配順興安氏己
卯生甲午八月
二十六日卒
墓扶安保安面
舊市墟南麓燕
巢形士坐原有
短碣

二十一世

子達淵

小名光哲字文
祿乙巳五月二
十四日生壬子
十月十二日卒
墓茁浦面道智
山粉洞南麓坤
坐有短碣有山
地小局
配恩津宋氏丁
未生辛亥十月
七日卒
墓扶安上西面
三藝峰南舉石
里後仙人峯頂
南小下艮坐有
短碣墓舍三間